

藥性簡明卷上

5262

7841

申2

78

共4册



道光癸卯夏月刊訂



素仙簡要

明道堂本宅藏板



北京中医药大学图书馆版权所有

民國甲寅年季秋月
上海石竹山房石印



素仙簡要序

醫家古未有書有之自靈樞素問始
爾後如甲乙難經病源外臺千金
如重規疊矩凡數十家而以仲景傷
寒括其總要焉宋元以降名醫代起
而求其指歸不外仲景之旨然博而



不精者固有之矣精而不粹者亦所
難免我朝之徐靈胎固一代之巨
擘也即如所著洄溪醫案醫學源流
論幾於家絃而戶誦之矣然繼此而
求如靈胎其人亦罕睹矣此名醫之
所以不易見也頃夏竹齋兄手一編

見示則長白奎公之素仙簡要也余
三復讀之愛其深入靈素傷寒之間
奧而以簡易出之令世之讀其書者
可一望而知醫理之所在而不致為
庸醫所惑是足取也蓋自名醫不作
庸醫遂以不學者亂先聖之法世之

慎重其生者知庸醫之難任而又舉
不得良醫以濟之而先聖之法遂至
為世詬病而醫道乃淩夷而不可問
矣可歎也甚願以此書救其不逮庶
幾不致以生人者殺人而先聖之法
遂以庸醫泯也迺喜而為之敘



甲寅歲重陽後一日止園崔永安

撰序并書於滬上



南京中醫藥大學圖書館藏

序

醫之為道其義深其旨博故不有出

人之智不足以造達精微不有執中

之明不足以辨正毫釐是在天資高

妙者方可以學醫博極羣書者方可

以語醫也今京旗太醫院左院判奎

素仙公天分既高師古復細蓋其學
深識人情之理而又能融會百家之
義其於格物致知窮理盡性之道非
可以與方技同類而輕量之也昔范
文正公有言不為良相當為良醫乃
知有聖君不可無良相良醫之權又

與良相等今素仙公可謂醫之良者
也所著簡要一書輯而成帙請序於
余余詳加翻閱觸類引伸實足以啓
迪後人先生濟世之心深且遠矣顧
學者非其素習一旦欲盡通前人之
說豈不甚難今得句梳字櫛一目了

然而又會萃古人切要之旨卷帙無
多所賅甚博在見聞未廣者固當奉
為圭臬自今以後家傳戶誦素仙之
造福於天下者不小而造福於千萬
世者胡可量哉余獲此編大喜大快
冀速其傳遂為序之而贊其刻之



歲次

道光壬寅仲春世龍一等男爵陝西

西安府知府愚弟貴麟頓首拜撰

自序

夫醫雖小道實天下蒼生性命所

關非諸末技之可比也攷醫之書

肇自軒岐素問靈樞二書垂訓千

古其後續有湯液難經仲景諸書

無微不闡無蘊不宣自唐宋以來

名家百氏方書燦陳炳若星日治
療之法可謂備矣惟藥性診候二
書指不勝屈其大者卷帙浩繁難
於遍觀誦讀小者又闕略而未盡
精微均為未善且間有自相牴牾
反足惑人者余嘗憂之不揣謏陋

博考經籍採摭羣言彙輯二編藥

性取其簡明診候揭其要旨酌古

準今參互考訂平居讀之可期理

法貫通臨證施之不致攻補差謬

使為師者必由是而教為弟子者

必由是而學蓋為醫家初學之津

梁也至於深造之士當於全書而
究心焉余髫齡肄業留心醫術迄
登仕版邀祿

天家上自王公下及士庶延請招致

日無虛暇所投方劑幸少貽悞適

庚寅春月

